



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՇՈՒԿԱՅԻ ՎԵՐԱՀՍԿՈՂՈՒԹՅԱՆ ՏԵՍԶԱԿԱՆ ՄԱՐՄԻՆ

Ո Ր Ո Շ ՈՒ Մ N_455

Տուգանք նշանակելու մասին

22.11.2023թ.

ք. Երևան

Քննելով տեսչական մարմնի կողմից 2023թ. հոկտեմբերի 04-ի N 677-Ա հրամանով

«ՆՆՆ» ՍՊԸ -ում /ՀՎՀՀ՝ 01029154/

Տնտեսվարող սուբյեկտի անվանումը

կատարված ստուգման նյութերը (ստուգման ակտ N 677-Ա կազմված 09.11.2023թ., խախտումների մասին 19.10.2023թ. արձանագրությունը և այլ նյութերը), որոնցով բացահայտվել է որ՝ ՍՊԸ-ն ՀՀ, ք. Երևան, Բագրատունյաց 2/8 հասցեում իրականացնում է բենզինի (ԱԻ-92-Կ5, ԱԻ-95-Կ) և դիզելային վառելիքի (ԴՎ-Ա-Կ) մանրածախ վաճառք:

Ստուգումն իրականացվել է ՀՀ կառավարության 6 հունիսի 2019 թվականի N 730-Ն որոշմամբ հաստատված «Ավտոմոբիլային և ավիացիոն բենզինի, դիզելային և նավերի համար նախատեսված վառելիքի, ռեակտիվ շարժիչների համար նախատեսված վառելիքի և մագլոբի ստուգման վերաբերյալ» և «Չափումների միասնականության ապահովման ստուգման վերաբերյալ» ստուգաթերթերի հիման վրա:

Ստուգման ընթացքում իրականացվել է ստուգաչափված չափանոթով լիցքավորվող վառելիքի քանակի և վառելիքաբաշխիչ աշտարակի էլեկտրոնային հանգույցի ցուցիչի համապատասխանության ստուգում, որի արդյունքում հայտնաբերվեց շեղում՝ բենզինի ճկափողերից մեկի էլեկտրոնային ցուցիչի արտացոլած քանակը կազմել է 10լ, մինչդեռ գործարանային չափանոթի արտացոլած քանակը կազմել է 9.89լ., փաստացի շեղումը կազմել է 0.11լ., որից թույլատրելին կազմում է 0,05լ. (5%), որպեսզի զանցանքը նախատեսված է ՎԻՎ օրենսգրքի 158-րդ հոդվածի 44-րդ մասով:

Ստուգմամբ հայտնաբերվել է նաև, որ բենզինի և դիզելային վառելիքի մանրածախ վաճառք իրականացնելիս բենզալցակայանում բացակայում է օրենքով սահմանված 5լ. կամ 10լ. անվանական տարողությամբ ստուգաչափված տարա, որպեսզի զանցանքը նախատեսված է ՎԻՎ օրենսգրքի 158-րդ հոդվածի 42-րդ մասով:

Ստուգման ընթացքում վերցվել են բենզինի (ԱԻ-92-Կ5, ԱԻ-95-Կ) և դիզելային վառելիքի (ԴՎ-Ա-Կ) փորձանմուշներ, որոնք հանձնվել են «Ստանդարտացման և չափագիտության ազգային մարմին» ՓԲԸ և «ՀՀ շուկայի վերահսկողության տեսչական մարմնի նմուշառման, լաբորատոր փորձաքննությունների և չափումների իրականացման

վարչության լաբորատորիա» փորձարկման լաբորատորիաներ: Ըստ լաբորատորիայի տրված փորձարկման N57 արձանագրության՝ դիզելային (ԴՎ-Ա-Կ5) բռնկման ջերմաստիճանը կազմել է 52, մինչդեռ ըստ ՆՓ-ի պետք է լինի 55-ից ոչ ցածր, որպեսզի զանցանքը նախատեսված է ՎԻՎ օրենսգրքի 188-րդ հոդվածի 7-րդ մասով:

Ստուգմամբ արձանագրված խախտումները վերացվել են՝, բենզինի ճկափողը ստուգացափվել է, 5լ. կամ 10լ. անվանական տարողությամբ անվանական տարան ստուգաչափվել է, իսկ դիզելային վառելիքի խմբաքանակը ամբողջությամբ իրացվել է, հետևաբար Տեսչական մարմնի ղեկավարի կողմից կարգադրագիր չի արձակվել:

Փաստացի խախտվել են «Չափումների միասնականության ապահովման մասին» ՀՀ օրենքի 6-րդ հոդվածի 3-րդ մասի, Մաքսային միության հանձնաժողովի 18.10.2011թ.-ի N826 որոշմամբ հաստատված ՄՄ ՏԿ 013/2011 կանոնակարգի 4-րդ հոդվածի 4.4 կետի և «Առևտրի և ծառայությունների մասին ՀՀ օրենքի 9-րդ հոդվածի 17.2-րդ կետի ՀՀ կառավարության 22.04.2022թ. N 537-Ն որոշման հավելվածի 7-րդ կետի պահանջները:

Նշված իրավախախտման համար ըստ ՀՀ իրավաբանական անձանց պետական ռեգիստրի էլեկտրոնային քաղվածքի պատասխանատու է հանդիսանում՝ «ՆՆՆ» ՍՊԸ -ի տնօրեն՝

Նորայր Կարապետի Իրադյանը

իրավախախտողի անունը, ազգանունը, պաշտոնը

ՀՀ, ք. Երևան, Լվովյան փ., շենք 19, բն 62

մշտական բնակավայրը և հասցեն

Վարչական իրավախախտման վերաբերյալ արձանագրությունը կազմելիս վարչական պատասխանատվության ենթարկվող անձին բացատրվել է «Վարչական իրավախախտումների վերաբերյալ» ՀՀ օրենսգրքի 267-րդ հոդվածով նախատեսված նրա իրավունքներն ու պարտականությունները, որի համաձայն «վարչական պատասխանատվության ենթարկվող անձը իրավունք ունի ծանոթանալու գործի նյութերին, բացատրություններ տալու, միջնորդություններ հարուցելու, գործի քննության ընթացքում օգտվելու փաստաթանի իրավաբանական օգնությունից, ելույթ ունենալու մայրենի լեզվով և օգտվելու թարգմանչի ծառայություններից, եթե չի տիրապետում այն լեզվին, որով տարվում է վարույթը գանգատարկելու գործով որոշումը»:

Ղեկավարվելով սույն հոդվածով՝ վարչական պատասխանատվության ենթարկվող անձին բացատրվել է, որ գործը կարող է իր բացակայությամբ քննվել միայն գործի քննության տեղի և ժամանակի մասին նախապես ծանուցված լինելու դեպքում, եթե նրանից միջնորդություն չի ստացվել գործի քննությունը հետաձգելու մասին:

Վարչական պատասխանատվության ենթարկվող անձը պատշաճ ծանուցվել է ՀՀ շուկայի վերահսկողության տեսչական մարմնում 22.11.2023թ.-ին ժամը 11:00-ին կայանալիք վարչական գործի քննությանը, այն է Տեսչական մարմնի կողմից ապահովվել է նրա լսված լինելու իրավունքը, սակայն չի ներկայացել և ղեկավարվելով «Վարչական իրավախախտումների վերաբերյալ» ՀՀ օրենսգրքի վերնշված հոդվածով գործը քննվել է նրա բացակայությամբ:

Վարչական իրավախախտումների վերաբերյալ Հայաստանի Հանրապետության օրենսգրքի 32-րդ հոդվածին համապատասխան իրավախախտում կատարած անձի նկատմամբ վարչական տույժը որպես վարչական պատասխանատվության միջոց կիրառելիս հաշվի են առնվել կատարված իրավախախտման բնույթը, նրա անձը, մեղքի աստիճանը, գույքային դրությունը պատասխանատվությունը մեղմացնող և ծանրացնող հանգամանքները:

ՀՀ ՎԻՎ օրենսգրքի 158-րդ հոդվածի 44-րդ մասով կիրառվելիք պատասխանատվության միջոցը՝ տուգանքը, հաշվարկել սահմանված նվազագույն աշխատավարձի երկուհարյուրապատիկի և ընկերությունում 17.10.2023թ.-ից մինչև 19.10.2023թ.-ը իրականացված ստուգմանը նախորդող եռամսյակի՝ տվյալ գործունեության իրականացման հասցեում հսկիչ դրամարկղային մեքենաներով իրացման շրջանառության մեկ տոկոսի չափով: 2023 թվականի 3-րդ եռամսյակի՝ տվյալ գործունեության իրականացման հասցեում հսկիչ դրամարկղային մեքենաներով իրացման շրջանառության մասին տեղեկությունները չափումների միասնականության ապահովման ոլորտում վերահսկողություն իրականացնող ՀՀ շուկայի վերահսկողության տեսչական մարմնին Հայաստանի Հանրապետության կառավարության սահմանած կարգով թիվ 01/71-6/66852-2023 գրությունով տրամադրել է ՀՀ պետական եկամուտների կոմիտեն: Տեղեկատվության համաձայն այն կազմում է 38 739 555 /երեսունութ միլիոն յոթ հարյուր երեսունհինգ հազար հինգ հարյուր հիսունհինգ/ ՀՀ դրամ, իսկ տվյալ գործունեության իրականացման հասցեում հսկիչ դրամարկղային մեքենաներով իրացման շրջանառության մեկ տոկոսի չափը կազմում է մեկ հարյուր 387 395/ երեք հարյուր ութսունյոթ հազար երեք հարյուր իննսունհինգ/ ՀՀ դրամ:

Ղեկավարվելով Վարչական իրավախախտումների վերաբերյալ Հայաստանի Հանրապետության օրենսգրքի 32-րդ հոդվածի 2-րդ մասով, 33-րդ հոդվածով, 34-րդ հոդվածով, 244.7 հոդվածով, 279-րդ հոդվածով, 281-րդ հոդվածով և 282-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Տվյալ իրավախախտման համար պատասխանատու Նորայր Կարապետի Իրադյանի նկատմամբ կիրառել Վարչական իրավախախտումների վերաբերյալ Հայաստանի Հանրապետության օրենսգրքի 158-րդ հոդվածի 44-րդ մասով նախատեսված պատասխանատվության միջոցը, սահմանել տուգանք սահմանված նվազագույն աշխատավարձի երկուհարյուրապատիկի և ստուգմանը նախորդող եռամսյակի մեկ տոկոսի չափով, այն է 387 395/ երեք հարյուր ութսունյոթ հազար երեք հարյուր իննսունհինգ/ ՀՀ դրամ, ընդհանուր՝ //200 000 և 387 395// 587 395/ հինգ հարյուր ութսունյոթ հազար երեք հարյուր իննսունհինգ/ ՀՀ դրամ, 158-րդ հոդվածի 42-րդ մասով նախատեսված պատասխանատվության միջոցը, սահմանել տուգանք սահմանված նվազագույն աշխատավարձի հինգհարյուրապատիկի չափով այն

է՝ 500 000 /հինգ հարյուր հազար/ ՀՀ դրամ և Վարչական իրավախախտումների վերաբերյալ Հայաստանի Հանրապետության օրենսգրքի 188-րդ հոդվածի 7-րդ մասով նախատեսված պատասխանատվության միջոցը, սահմանել տուգանք սահմանված նվազագույն աշխատավարձի հազարապատիկի չափով այն է՝ 1 000 000 /մեկ միլիոն/ ՀՀ դրամ: Տուգանքի ընդհանուր չափը կազմում է՝ 2 087 395 / երկու միլիոն ութսունյոթ հազար երեք հարյուր իննսունհինգ / ՀՀ դրամ:

2. Տուգանքը պետք է վճարվի **Պետական բյուջե 900005024014 հ/հ:**

3. Տուգանք նշանակելու մասին որոշման հարկադիր կատարումը իրականացվում է «Վարչարարության հիմունքների և վարչական վարույթի մասին» ՀՀ օրենքի 5-րդ բաժնի դրույթներին համապատասխան:

4. Սույն որոշումը կարող է բողոքարկվել ուժի մեջ մտնելու օրվանից երկու ամսվա ընթացքում Վարչական դատարան:

ՏԵՍԶԱԿԱՆ ՄԱՐՄՆԻ ՂԵԿԱՎԱՐ՝



ԱՐԹՈՒՐ ՄԿՐՏՋԱՆ

ՊԱՐՏԱԿԱՆՈՒԹՅՈՒՆՆԵՐԸ ԿԱՏԱՐՈՂ